

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 02-3796/20
Sarajevo, 26.08.2020

Na osnovu člana 136. Zakona o visokom obrazovanju ("Službene novine Kantona Sarajevo", broj: 33/17), člana 108. Statuta Univerziteta u Sarajevu (broj: 01-1093-3-1/18 od 28.11.2018. godine) i prijedloga prodekana za nastavu Elektrotehničkog fakulteta u Sarajevu od 25.08.2020. godine, dekan Elektrotehničkog fakulteta u Sarajevu, donosi

ODLUKU

o načinu organizacije septembarskog ispitnog roka u studijskoj 2019/2020. godini

1. Uzimajući u obzir trenutnu epidemiološku sliku u Kantonu Sarajevo, Federaciji Bosne i Hercegovine i Bosni i Hercegovini, činjenicu da i dalje postoje znatne poteškoće vezane za smještaj i prevoz studenata koji žive izvan Kantona Sarajevo, ispiti u septembarskom ispitnom roku studijske 2019/2020. godine, odvijat će se u online režimu rada. Precizan način realiziranja ispita utvrđuje predmetni nastavnik. Preporučuje se da, kod ispita gdje je to moguće realizirati, način ocjenjivanja uključi i neki oblik usmene provjere znanja.
2. Kod ispita iz nastavnih predmeta iz zimskog semestra koji se u studijskoj 2019/2020. godini prvi put realiziraju u online režimu rada, zbog razlike u realizaciji ispita u online režimu rada u odnosu na polaganje u učionici, moguće je izvršiti minimalne korekcije u načinu polaganja (naprimjer izmjena odnosa broja bodova koje nosi računski i teorijski dio ispita, dopuštanje razdvajanja parcijalnih dijelova ispita i slično). Pomenute korekcije su dozvoljene isključivo sa ciljem prilagođavanja trenutnim okolnostima, te istima nije dozvoljeno favoriziranje bilo koje skupine studenata, kako one koja je položila ispit u učionici, tako ni one koja polaže ispit u online režimu rada.
3. U cilju minimiziranja eventualnih zloupotreba prilikom online režima polaganja ispita, u cilju utvrđivanja autentičnosti i vjerodostojnosti urađenog ispita, predmetni nastavnici mogu izvršiti upoređivanje rukopisa skeniranih materijala koje studenti predaju sa rukopisom iz zadaćnica sa prethodnih ispitnih rokova koji su održani u učionici.
4. U slučaju postojanja osnovane sumnje u regularnost polaganja ispita, predmetni nastavnik može organizirati dodatni online razgovor sa ciljem provjere urađenog rada. Online razgovor se realizira u prisustvu predmetnog saradnika ili drugog nastavnika na tom predmetu. U slučaju da se utvrdi nepoznavanje ispitne materije koju je student ranije uradio i dostavio predmetnom nastavniku, predmetni nastavnik ima pravo da ne prizna urađeni rad. Na predmetima na kojima je broj studenata relativno mali, ovaj oblik aktivnosti može se obaviti sa svim studentima.
5. Predmetni nastavnici su dužni da jasno i nedvosmisleno postavljaju na internet stranice nastavnih predmeta upute o načinu organiziranja i bodovanja ispita u septembarskom ispitnom roku u studijskoj 2019/2020. godini. Rok za postavljanje ovih uputa je 29.08.2020.

godine za nastavne predmete zimskog semestra, a 05.09.2020. godine za predmete ljetnog semestra studijske 2019/2020. godine.

DEKAN

Prof. dr. Jasmin Velagić



Dostaviti:

1. Dekan
2. Prodekan za nastavu
3. Akademska osoblje
4. Internet stranica
5. a/a